

"Mi Pais" un hoy a di produccion cu Edjean ta lansa awe riba mercado!!



ORANJESTAD(AAN)—
E cantante hoben, cu tur aña
tey pa deleita su pueblo cu
bunita cancionnan pa 18 di
maart, ta regala su pais e aña
aki un hoy a di produccion.
Awemainta pa exactamente
10or e produccion aki lo
cuminsa zona na tur radio

rond di Aruba.

Keda pendiente p'e.

Un produccion cu Edjean tin
un aña caba preparando pa
asina por garantiza un calidad
superior.

Edjean ta conoci pa mantene
e calidad halto aki den tur su
produccionnan

E produccion ta contene 11
tema, entre otro
composicionnan di e gran
compositor Casin Giel, "Ken
ta "Rubiano?" (un tema hopi
gusta pa e pueblo Arubano),
"Danki na dje", cancion
ganador di e festival "Un
canto na nos Himno y
Bandera" di aña pasa y otro
cancionnan conoci di e
cantante hoben, dedica na e
celebracion di nos Himno y
Bandera.



Tambe e lo tin riba e
produccion aki
composicionnan inmortal di
por ehempel, Hubert Booi cu
"Aruba Romantica y Te
aworo", Jossy Brokke jr cu
"Aruba home sweet home" y
don Ramon Krozendijk cu e
clasico "Cunucu di zuid", tur
esakinan hinca den un bachi
completamente nobo.

Mayoria parti di e grabacion
pa e produccion aki a tuma
lugar na IQ music lab, bao
direccion di Ivan Quandus y
Juan Carlos Petit.

Coro Melange bao direccion
di Maybelline Arends Croes,
cu tambe ta compania Edjean
riba diferente tema, lo haci un
impacto riba bo.

E musiconan cu tambe a
wordo invita riba e
produccion aki ta musiconan
di gran taya, manera por
ehempel Delbert Bernabela,
Johnny Scharbaay, Carlos
Bisliip, Doodle Sophia, Juan
Tromp y Pepe Gonzales.

Pues sigur un produccion di
un calidad hopi halto.

Nos sa cu e produccion aki ta
tuma su tempo pa produci,
pero tambe e costo su tras ta
uno considerable, mirando e
calidad di diseño y
musicalisacion.

Pesey mes Edjean kier a
manda un gradicimento hopi
special na su sponsoman cu ta
SETAR nv, WEB nv y
matutino DIARIO.

Companionan cu sigur ta kere
den nos yiunan di tera y cu
semper ta apoya unda cu nan
por.

Aruba, e produccion ta
disponibel pa abo por disfruta
di dje.

Ban demostra cu nos ta
aprecia nos yiunan di tera y
includi e produccion aki den
nos coleccion.

DIARIO ta manda
palabranan di hopi pabien y
exito nan nos amigo Edjean
cu su produccion nobo, "Mi
Pais". Y exito diasabra awor
den e festival di Himno y
Bandera cu composicion di
Casin Giel, "E isla aki ta di
mi di bo".

Nos ta sigur cu bo
presentacion lo ta sublime un
biaha mas. Sigui asina
Edjean!